

Amir Zukić, zastupnik u Zastupničkom domu
Omer Škaljo, zastupnik u Zastupničkom domu
Parlamenta Federacije BiH

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 29-09-2015				
Organizacija preuzimajuća	Klasni grupi	Broj i godina	Vrijednost	Priloga
01-02		1269	15	

ZASTUPNIČKOM DOMU PARLAMENTA FEDERACIJE BIH

- gosp. Edin Mušić, predsjedavajući

PREDMET: Nacrt Zakona o tehničkoj kulturi Federacije BiH

Na osnovu člana 163. Poslovnika Zastupničkog doma Parlamenta Federacije BiH u prilogu Vam dostavljamo Nacrt Zakona o tehničkoj kulturi Federacije BiH (radna verzija) radi razmatranja i usvajanja.

S poštovanjem,

Sarajevo, 29.9.2015.g.

Amir Zukić, zastupnik 

Omer Škaljo, zastupnik 

Radna verzija

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 29-09-2015				
Broj predmeta	Klasif. grupa	Broj i godina	Vrijednost	Priloga

ZAKON O TEHNIČKOJ KULTURI

FEDERACIJE BiH

Decembar 2014g.

Na osnovu Ustava BiH, službene novine. Na osnovu Zakona o fondacijama i udruženjima službene novine 45/02 a na prijedlog donosi

Zakon o tehničkoj kulturi Federacije BiH

I.OPŠTE ODREDBE

Član 1.

Ovim Zakonom se uređuje oblast tehničke kulture: osnivanje , organizovanje i finansiranje, udruženja klubova, društava i zajednica od značaja za tehničku kulturu na području Federacije BiH . Osnovni ciljevi oblasti tehničke kulture su : razvitak i obrazovanje, unapređivanje inovatorstva, širenje naučnih i tehničkih dostignuća, afirmiranje tehničkih sportova i naučnotehničkog osposobljavanja građana.

Član 2.

U smislu ovog zakona oblast tehničke kulture obuhvata : tehnički odgoj, obrazovanje i osposobljavanje djece i omladine, tehničko obrazovanje i osposobljavanje građana, naučnotehničko stvaralaštvo i unapređivanje stvaralaštva, inovatorstva i racionalizatorstva, tehničke sportove i naučno-tehničke manifestacije.

Član 3.

Tehnički odgoj i obrazovanje djece i omladine i podsticanje i razvoj mladih talenata u ovoj oblasti, ostvaruje se po nastvanom planu i programu za osnovnu i srednju školu, kao i u okviru vannastavnih aktivnosti u osnovnoj i srednjoj školi u skladu sa zakonom.

Član 4.

Tehničko obrazovanj i osposobljavanje **građana** u sticanju tehničkih, tehnoloških i informatičkih znanja i vještina ostvaruje se teorijskim obučavanjem i praktičnim radom u udruženjima tehničke kulture i drugim pravnim licima.

Član 5.

Naučnotehničko stvaralaštvo i unapređivanje **pronalažastva** i inovatorstva i racionalizatorstva ostvaruje se u udruženjima tehničke kulture, privrednim subjektima i drugim pravnim licima stvaranjem uslova za rad i podsticanjem zainteresiranih građana na unapređivanje sredstava tehnike, tehnologije, projektantskih i konstrukcionih rješenja, rad na pronalaženju i patentiranju izuma, inovacija i racionalizaciji postojećih rješenja kao i supstituciji djelova opreme.

Član 6.

Tehnički sportovi su sportovi u kojima značajnije dolazi do izražaja upotreba i vještina rukovanja složenijim tehničkim sredstvima. Ostvaruju se kroz aktivnosti udruženja tehničke kulture. Tehnički sportovi, u smislu ovog zakona su: motorna pilotaža, jedriličarstvo, padobranstvo, automobilizam, motociklizam, kajakaštvo, motonautika, karting, ronilaštvo, radiogonometrija, aviomodelarstvo, brodomodelarstvo, automodelarstvo, raketarstvo i robotika.

Član 7.

Naučnotehničke **manifestacije** organizuju se naročito kao smotre, izložbe, festivali i takmičenja. Na naučnotehničkim manifestacijama prezentiraju se dostignuća u oblasti tehničke kulture. Naučnotehničke manifestacije se organizuju od strane udruženja iz oblasti tehničke kulture, obrazovnih i naučnih ustanova i institucija i državnih organa na osnovu programa nadležnih organa pojedinih organizatora.

Član 8.

Sistematskim ostvarivanjem poslova tehničke kulture zadovoljavaju se potrebe i interesi društva i lične potrebe i interesi građana u sticanju tehničkih znanja i vještina potrebnih za obavljanje profesionalnih zadataka i za potrebe u svakodnevnom životu; Stvaraju se pozitivne navike za korištenje slobodnog vremena djece, omladine i drugih građana, poboljšava se kvalitet rada u proizvodnji i drugim djelatnostima u ostvarivanju poslova i zadataka odbrane od elementarnih nepogoda i drugih opasnosti.

Član 9.

Sistematsko ostvarivanje poslova iz čl. 3 do 7 ovog zakona kao i stručno-razvojni poslovi praćenja tehničke kulture za potrebe Federacije su poslovi od posebnog društvenog interesa.

II. OBAVLJANJE DJELATNOSTI U OBLASTI TEHNIČKE KULTURE

Član 10.

Djelatnosti iz oblasti tehničke kulture mogu obavljati **pravna i fizička lica** ako obezbijede odgovarajući stručni kadar, objekte, tehnička sredstva, opremu i zdravstveni nadzor i ako su registrirana za obavljanje ove djelatnosti. **Uslove za obavljanje** djelatnosti tehničke kulture propisuje ministar obrazovanj i nauke Federacije BiH (u daljem tekstu ministar)

Član 11.

Stručni kadar obavlja tehničko obrazovanje i osposobljavanje građana, učestvuje u ostvarivanju aktivnosti u tehničkim sportovima i obavlja druge poslove u oblasti tehničke kulture. Stručnim kadrom, u smislu ovog zakona, smatraju se lica sa najmanje srednjom stručnom spremom koja su stručno osposobljena na seminarima, kursevima, školama u udruženjima tehničke kulture. Vrsta i stepen stručne spreme, odnosno vrsta i način sticanja stručne osposobljenosti bliže se uređuju propisima nadležnih organa udruženja tehničke kulture Federacije BiH, odnosno BiH i nadležnih međunarodnih stručnih udruženja i organizacija.

Član 12.

Objekti tehničke kulture, u smislu ovog zakona su: građevni objekti-domovi tehnike, hangari, opservatorije, radionice, laboratorije, uređeni vodeni tokovi za sportove na vodi i dr. Objekti namjenjeni ostvarivanju aktivnosti iz oblasti tehničke kulture. Tehnička sredstva i oprema tehničke kulture čine vazdzhoplovne letjelice, brodice, motorni čamci, jedrilice, radio stanice, računari, motorna vozila, autodromi, pilot postrojenja i makete.

Član 13.

Pod zdravstvenim nadzorom, u smislu ovog zakona podrazumjeva se:
-kontrola zdravlja, takmičara u tehničkim sportovima prije i u toku trajanja sportskih aktivnosti

- pružanje hitne medicinske pomoći takmičarima, drugim učesnicima i prisutnim licima na takmičenjima u tehničkim sportovima
- kontrola uzimanja i davanja zabranjenih stimulativnih i doping sredstava u tehničkim sportovima

Član 14.

Pravna i fizička lica koja obavljaju djelatnost tehničke kulture su dužna obezbijediti redovan pregled ispravnosti objekta, tehnička sredstva i opreme prije upotrebe u skladu sa svojim općim aktom.

Član 15.

Vlasnik objekta tehničke kulture može, uz naknadu, **prenijeti**, na osnovu konkursa, pravo korištenja nad tim objektima, pravno i fizičkom licu koje se bavi organizovanjem poslova i aktivnosti iz oblasti tehničke kulture. Pravo korištenja objekta tehničke kulture koji su dobra i općoj upotrebi, ne može se prenijeti na fizičko lice.

Pravo korištenja objekta iz stava 1. ovog člana prenosi se ugovorom, kojim se obezbjeđuju međusobna prava i obaveze, a posebno visina naknade i uslovi kojima se obezbjeđuje namjensko i racionalno korištenje, čuvanje i održavanje objekta tehničke kulture.

III.KLUBOVI, DRUŠTVA, UDRUŽENJA, ZAJEDNICA TEHNIČKE KULTURE

Član 16.

S ciljem bavljenja i razvijanja tehničke kulture i naučno-tehničkog stvaralaštva, građani se mogu udruživati u osnovne organizacije tehničke kulture - klubove i društva koji djeluju u općinama, kantonima i Federaciju BiH, kao asocijacije osnovnih organizacija u općini i kantonima Federacije BiH se mogu osnivati udruženja tehničke kulture. Na nivou Kantona i Federacije BiH kao asocijacija svih članica tehničke kulture formira se Zajednica tehničke kulture Kantona odnosno Federacije BiH

Način dobrovoljnog udruživanja; međusobna prava, obaveze, dužnosti i odgovornosti, kao i druga pitanja koja proističu iz udruživanja, regulišu se statutima subjekta udruživanja u skladu sa ovim zakonom.

Zajednica tehničke kulture Kantona, Federacije BiH svoju organizaciju, način rada, obavaze, prava i dužnosti reguliše statutom na osnovi Zakona o udruženjima i fondacijama u FBiH i ovog zakona.

Član 17

Udruženje tehničke kulture ima svojstvo pravnog lica ne može **otpočeti s radom** prije upisa u Registar udruženja kod nadležnog ministarstva.

Član 18.

Udruženja tehničke kulture mogu, radi sticanja sredstava za ostvarivanja svojih ciljeva i zadataka utvrđenih statutom, u skladu sa zakonom, osnivati **privredne aktivnosti**.

Član 19.

Udruženja tehničke kulture, druga pravna i fizička lica koja samostalnim radom obavljaju stručne poslove u oblasti tehničke kulture putem seminara, kurseva, škola, instrukcija i sl., mogu da izvode programe obrazovanja i osposobljavanja građana za sticanje tehničkih, tehnoloških i informatičkih znanja i vještina. Subjekti koji obavljaju poslove iz stava 1. ovog člana mogu uz predhodno pribavljenju saglasnost Ministarstva obrazovanja i nauke Federacije

BiH (u daljem tekstu Ministarstvo) izdavati polaznicima uvjerenja čiji oblik i sadržaj propisuje ministar.

Član 20.

Udruženja tehničke kulture mogu se osnivati na području općine, grada, kantona i Federacije BiH.

Član 21.

Udruženja tehničke kulture mogu se osnivati ako na području općine, grada, kantona i Federacije BiH djeluju najmanje dvije osnovne organizacije iz različitih oblasti tehnike. Zajednica tehničke kulture za područje Kantona i Federacije BiH osniva se ukoliko na području kantona i FBiH djeluju najmanje dva općinska udruženja odnosno kantonalna udruženja dva strukovna udruženja.

Strukovna udruženja mogu se organizovati u slučaju da na području Kantona i FBiH djeluju najmanje dvije osnovne organizacije iz te oblasti.

U sastav udruženaja tehničke kulture općine ulaze i klubovi mladih tehničara i klubovi tehnike formirani u osnovnim i srednjim školama i fakultetima upisanim u Registar klubova mladih tehničara i klubova tehnike.

Pravilnik o sadržaju i načinu vođenja Registra propisuje ministar.

Član 22.

Udruženja tehničke kulture podstiču i afirmišu ukupne aktivnosti u oblasti tehničke kulture iz odgovarajućih područja (grana) tehničke kulture, usklađuju aktivnosti svojih članica, brinu o unapređivanju stručnog rada, stručnom osposobljavanju lica, te unapređuju dostignuća u tehničkoj kulturi, a mogu obavljati i privredne aktivnosti u skladu sa zakonom.

Član 23.

Udruženja tehničke kulture na nivou općine organizira aktivnosti zajedno sa udruženim osnovnim organizacijama, objedinjava i koordinira rad svih udruženja na realizaciji zajedničkih dogovora i planova aktivnosti.

Član 24.

Osnovnim organizacijama tehničke kulture, općinskim, kantonalnim i FBiH zajednicama udruženjima tehničke kulture upravljaju skupštine članica. Statutom navedenih udruženja-zajednica tehničke kulture uređuju se pitanja njihovog sastava, prava i dužnosti, način rada i odlučivanja i druga pitanja.

IV. JAVNE POTREBE I INTERESI DRUŠTVA U OBLASTI TEHNIČKE KULTURE

Član 25.

FBiH, Kanton, grad i općine u skladu sa članovima od 3 do 7 ovog zakona donose programe javnih opštredruštvenih potreba i interesa u oblasti tehničke kulture i za njihovo provođenje obezbjeđuju dio sredstava iz budžeta, u skladu sa ovim zakonom.

Član 26.

Javne potrebe i interesi FBiH u oblasti tehničke kulture su aktivnosti, poslovi i djelatnosti Federalnog značaja kao što su:

- tehničko obrazovanje djece i omladine
- usavršavanje talentovane djece i omladine u svim oblastima tehnike

- tehničko obrazovanje i osposobljavanje građana za zadatke odbrane
- organizovanje naučno-tehničkih manifestacija i sudjelovanje na manifestacijama na nivou federacije, BiH i međunarodnim manifestacijama
- pripreme vrhunskih takmičara u tehničkim sportovima i vrhunska takmičenja
- stručno-razvojni poslovi tehničke kulture za potrebe Bosne i Hercegovine
- izgradnjaj objekta i nabavka tehničkih sredstava za razvoj tehničke kulture
- podsticaj inovatorstva, pronalazaštva i racionalizatorstva
- međunarodna saradnja, promocija BiH tehnoloških inovacija-briga o izdavaštvi iz oblasti tehnike.

- Brine i organizuje muzejske aktivnosti iz oblasti tehnike.

Program javnih potreba i interesa iz stava 1. ovog člana donosi Skupština Federacije, a na prijedlog Vlade FBiH. Realizacijom Programa javnih potreba i interesa u oblasti tehničke kulture preko Ministarstva obrazovanja usklađuju interesi i preduzimaju aktivnosti rada ravnomjernog razvitka tehničke kulture u svim oblastima u FBiH, te utvrđuju odnosi i prioriteti sufinansiranja programa tehničke kulture u FBiH.

Član 27.

Javne potrebe i interesi općina u oblasti tehničke kulture su aktivnosti, poslovi i djelatnosti lokalnog značaja koje oni utvrde. Javne potrebe općina u oblasti tehničke kulture su:

- podsticanaj djece i omladine za sticanaj tehničkih, tehnoloških i informatičkih znanja i vještina

- realizacija specifičnih programa odgoja i osposobljavanja mladih talenata iz svih oblasti tehnike

- organizovanje i učestvovanje na izložbama, smotrama na kantonalnom, federalnom, državnom i međunarodnom novou

- realizacija programa internih prekvalifikacija i dokvalifikacija zaposlenika i programa organizovanja inventivnog rada

- izdavačka djelatnost iz oblasti tehničke kulture od interesa za FBiH, kanton i općinu

- nabavka opreme i održavanje objekta tehničke kulture

Program javnih potreba iz stava 1. ovog člana donosi općinsko vijeće na prijedlog općinskog načelnika, odnosno zajednice tehničke kulture općine.

Član 28.

Udruženja tehničke kulture stiču sredstva od članarine, priloga, donacija, legata od namjenskih fondova dobit od privrednih subjekata u skladu sa zakonom.

Član 29.

Sredstva za sufinansiranje javnih potreba F BiH u oblasti tehničke kulture izdvajaju se iz budžeta F BiH, a na osnovu programa iz člana 29. stav 3. ovog zakona.

Sredstva za sufinansiranje javnih potreba Kantona, u oblasti tehničke kulture izdvajaju se iz Budžeta Kantona na osnovu programa iz člana 29. stav 3. ovog zakona.

Sredstva za sufinansiranje javnih potreba općina u oblasti tehničke kulture izdvajaju se iz budžeta općina na osnovu programa iz člana 31. stav 3. ovog zakona.

Nadzor nad finansijskim, materijalnim i računovodstvenim poslovima korisnika sredstva iz stava 1. i 2. ovog člana kao i svrsishodnu upotrebu budžetskih sredstava i primjenu zakonitosti u poslovanju obavlja organ uprave nadležan za poslove finansija, u skladu sa Zakonom o izvršenju budžeta F BiH i odlukam o izvršenju budžeta općina i kantona u FBiH

V.EVIDENCIJA

Član 30.

U oblasti tehničke kulture vode se evidencije:

- udruženja tehničke kulture (klubovi, tehnika, udruženja)
- privrednih subjekata i drugih pravnih lica koji obavljaju djelatnost u oblasti tehničke kulture
- lica koja samostalnim radom obavljaju djelatnost u oblasti tehničke kulture
- inovatora i inovacija
- smotri, takmičenja i izložbi
- registar klubova mladih tehničara

Evidencije iz alineje 1. vodi Ministarstvo

Evidencije iz alineja 2.,3.,4.,5., i 6., vodi Zajednica tehničke kulture F BiH.

VI.NADZOR

Član 31.

Nadzor nad stručnim radom u oblasti tehničke kulture obuhvata organizirano praćenje stručnog rada udruženja tehničke kulture, privrednih subjekata i drugih pravnih lica, kao i fizičkih lica koja obavljaju djelatnost u oblasti tehničke kulture.

Lica koja obavljaju stručni nadzor iz stava 1. ovog člana određuje Ministarstvo obrazovanja i nauke F BiH po pribavljanju mišljenja drugih ministarstava kada se djelatnost udruženja i zajednice tehničke kulture odnosi na području iz njihove djelatnosti.

Član 32.

Inspeksijski nadzor nad zakonitošću rada udruženja tehničke kulture, zajednice tehničke kulture, privrednih subjekata i drugih pravnih lica koja obavljaju djelatnosti oblasti tehničke kulture vrše nadležni organi F BiH.

VII.KAZNENE ODREDBE

Član 33.

Novčanom kaznom od 500 do 2500 KM kaznit će se pravno lice ako:

- ne obezbijedi pregled ispravnosti objekta, tehnička sredstva i opreme (iz člana 14.)
- prenese pravo korištenja objekta tehničke kulture u općoj upotrebi na fizičko lice (član 15. stav 2)
- započne obavljati djelatnosti u oblasti tehničke kulture prije upisa u rregistar (član 17. i 24.)
- izda uvjerenje bez prethodno pribavljenje saglasnosti (član 20. stav 2)

Član 34.

Novčanom kaznom od 200 do 1000 KM kaznit će se za prekršaj fizičko lice ako:

- započne obavljati djelatnost u oblasti tehničke kulture a da nije ispunio uslove iz člana 10. ovog zakona
- ukoliko ne obezbijedi redovan pregled ispravnosti objekta, tehnička sredstva i opreme prije upotrebe sa svojim općim aktom (član 14.)
- izda uvjerenje bez prethodno pribavljene saglasnosti (član 20. stav 2)

Za ponovljeni prekršaj iz stava 1. ovog člana , uz izrečenu novčanu kaznu može se izreći i zaštitna mjera zabrane vršenja samostalne djelatnosti u trajanju od tri do šest mjeseci.

VIII. PRIJELAZNE I ZAVRŠNE ODREDBE

Član 35.

Postojeća udruženja i zajednice tehničke kulture uskladit će svoju organizaciju i akte s odredbama ovog zakona u roku od 9 mjeseci od dana stupanja na snagu.

Član 36.

Pod zakonske akte predviđene ovim zakonom ministar će donijeti u roku od 6 mjeseci od dana stupanja na snagu.

Član 37.

Ovaj zakon stupa na snagu osmog dana objavljivanja u „Službenim novinama F BiH“

Bosna i Hercegovina
Federacija Bosne i Hercegovine

OBRAZLOŽENJE PRIJEDLOGA ZAKONA O TEHNIČKOJ KULTURI U FEDRACIJI BIH

- Zakon o tehničkoj kulturi usvojen je 1985.god.
- Dejtonskim sporazumom zakon je prihvaćen kao što je to urađeno i sa drugim zakonima
- Izvršene političke i opšte društvene mjere na osnovama odredbi Dejtonskog sporazuma, zahtjevaju usklađivanje Zakona o tehničkoj kulturi sa tim promjenama što se čini ovim prijedlogom
- Prijedlogom novog teksta Zakona o tehničkoj kulturi riješio bi se nesklad između odredbi sadašnjeg zakona i odredbi novog prijedloga zakona
- Donošenjem novog zakona riješilo bi se prije svega mjesto i uloga, a naročito sistem organizovanja ove važne oblasti od opšteg društvenog interesa kao važne pretpostavke uspješnog razvoja ove društvene djelatnosti

Zulijana Arun
Olivera Terzić